



## أطفال الشوارع

بكرهك يا بوبيا بكرهك يا أمى

ولا انت كنت ابويا ولا انت كنتى امى

لا يوم حسيت بضعفى ولا قمتى يوم تسمى

قضيتوا ساعات تمام فى ليلة انسجام

وكنت انا الضحيه جبتونى فى الحرام

سهرت انت وعاشيقتك وتالتكم الشيطان

والآخر شيلت شيلتك ورمتنى للزمان

لحظات لا كات بايدى ولا كانت يوم بأمرى

ليه متعتك ياسيدى يكون تمنها عمرى

ازاى تتام دفيان وابنك ينام عريان





## ويوان شريط ذكريات



ازای تاكل وتشبع وعارف انى جعان  
بشكى رب العباد اعضائى فى المزد  
طالبين ازای اكون انسان يحمى الوطن  
وانا قلبى والعيون كارهين ظلم الزمن  
طفل لقيط اتولد طالبين يحمى البلد  
انا ابويا خد وهات وأمى مخدرات  
بيحاربنى الزمن وبحارب الساعات  
انا طفل الشوارع انا الموجوع وواجع  
لا هعرف يوم طريقى ولا ليا فجر طالع  
معرفتش مين ظلمنى ودايماً حقى ضايع  
ابنك عالارض نايم متغطى بالسما  
وانت بتعمل عزاييم عايش فى مغنمه





## ويوان شريط فكريات



مع انى حتة منك الأرض أحن منك  
لو عايز يوم تجينى تحت الكوبرى تلاقينى  
مالى التراب جبينى وهدومى مقطّعه  
انسان ما اعرفش اسمى وجراحى مسمعه  
برد بياكل فى جسمى او شمس مولّعه  
سارق لقب انسان وادنى م الحيوان  
ازاى فى يوم تتوب واسامح قلب خان  
آه من وجع القلوب آه من غدر الزمان  
نسيت يوم الحساب يا اندل الذئاب  
هتدوق فى الدنيا ظلمك وفى الآخرة العذاب

